

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Sarfaq Ittuk sinersorluni avannaanut kujammulu ingerlanermini angallassinermi tapiissutaasartut qaffaaviginngikkaluarlugit maannakkut tikiffiusartuni uninngasarnerit sivikillisillugit Kangaatsiamut aqqusaartalersinnaanera anguniarlugu Naalakkersuisut periarfissiussinnaavaat?**
- 2. Umiarsuup avannamut sinersornermini aammalu kujammut sinersornermini Kangaatsiamut aqqusaartalersinnaanera anguniarneqassappat qanoq akeqarsinnaanera Naalakkersuisut paasissutissiissutigisinnaavaat?**

(Nikolaj Jerimiassen, Siumut)

Tungavilersuut:

Siullermik apeqquteqaatigisannut akissuteqaateqarnissinnut qujanaq, ilisimavara umiarsuaq sinersortaata ajornangitsumik avannamukarnermini aammalu kujammukarnermini Kangaatsiaq qanittuaraallugu avaqquttaraa. Isumaqaqama sinerissami maannakkut tikiffiusartuni uninngasarnerit sivikillisinnerisigut aqqusaartarnissaa periarfissarsiuunneqartariaqarneranik apeqquteqaateqaqqippunga.

Kangaatsiaq umiarsuup aqquataaniimmat sivikinnerusumik uninnganissamik periarfissaqartsitsilluni aqqusaarlugu tikinneqartarsinnaagaluarluni. Taamaattoq apeqqutigisama aappaanut paaserusuppara umiarsuup kujammukarnermini aammalu Avannamukarnermini Kangaatsiaq aqqusaartalissappagu qanoq immikkut aningaasartuuteqarfiussanersoq.

Apeqquteqaatimma ullut suliffiusut qulit iluanni akineqareersimanissaat kissaatigaara.